

جریدہ علیہ

مشفقت جلیلہ اسلامیکہ جریده رسمیه سید

۹ جمادی الاخری ۱۳۳۸ و ۲۹ شباط ۱۳۳۶

شعبی سنہ

اون بش کونده بر نشر اولنور

عدد ۵۵

ابن سینا ، تجویف نلاده بولان حواس باطنی ترتیب ایله ابیات آتیده جمع ایشدر .

سنتجویف دارد دماغ بشر	ز احساس باطن دهندت خبر
مقدم زتجویف اول بدان	بود حاسه مشترکرا مقرر
مؤخر ازوشد محل خیال	که ماند درو از تصور اثر
پس اندر نخستین اوسط بود	تخیل ز حیوان و فکر از بشر
اخیر وسط جای وهمست و حفظ	نباشد زتجویف آخر بدر

حسین عونی



حیات حضرت پیغمبر « صلی الله علیه وسلم » و نبوت

نسب عالی پیغمبری شهبسز الی مانهایه ثابت و صحیح ایهده یالکز عدنانه قدر تعداد ایدلسی حدیث سعادتپناهی ایله تجویز ایدلشدر .

رسول اکرم صلی الله علیه وسلم میلاد حضرت عیسانک بشیوز یتش برنجی سنه سنک نیشان آینک یکر مینسی عام فیلده ربیع الاولک اون ایکنجی کیجه سننده مکّه مکر مهده عالم شهودی تشریف پیور مشلردر . پدرلری عبدالله بن عبدالمطلب بن هاشم القریشیدر . پدرلری ولادت پیغمبریدن اول وفات ایتشدی . پدرلری بش دوه ، برقچ قویون ، برجاریدن بشقه مال ترک ایتما مشدر . بعض روایتلره نظراً بو تعداد اولنان متروکادن دهآز متروکات براقدینی سوبلنیور . آلتی یاشنه وارد یغنده والدہ سی آمنه دخی ارتحال دار بقا ایش بوکا بناء جدی حضرت عبدالمطلب کندیسنی حمایه سنه آمش ایدی . ایکی سنه صکره عبدالمطلب وفات ایدنجه عم محترملری ابوطالبک حمایه سنه کیردی . نه چاره که ابوطالب جو مرد ، کریم پرذات ایدیهده کندی اهل و عیالنه بقامیه حق درجه لرده فقر حالی واردی .

هر نه قدر ابوطالبك كندیسی اك یقینندن ایسه ده عهدۀ حمایه سنه آلدینی ذات سامی^۱ محمدی اساساً انادن ، بآبادن یتیم اولدیغندن هرایکی طرف فقر و احتیاج ایچنده ایدی . حامی و حمیده فقیر اولدقلرندن رسول اکرم حقنده بحق اعتنا اولنه میوردی .
عبدۀ اصنام اولان اقرباسنك و عبدۀ اوهام اولان اولیاسنك و برطاقم جهلانك ایچنده بیودیکی حالده نشو و نما بولدقجه بدنأ ، عقلاً ، فضیله ، ادبآده تکامل ایدرك اهالی مکّه میاننده غفوان شباننده عقل و درایت و امانتله معروف اولدیغندن قومی طرفندن «الامین» لقب جلیلی ایله توسیم ایدلمشدی .

رسول اکرمك حین صباوتنده قومی هر خصوصده ناقص ایدیلمر . کندیسی کامله ایدی . اونلر اخلاقاً منحط ، ذات سامی^۱ محمدی اخلاقاً یوکسكك ؛ اونلر بت پرست و مشرك ، رسول اکرم ایسه موحدایدی . اونلر فتنه جو ، ذات پیغمبری مسألت پرورایدی . اونلر وهمه طامشلر ، ذات پیغمبری ایسه و همدن سالم حقیقت پرور ایدی . اونلر جهل و طغیانلرندن خیرلی و حق یولندن مجتنب ایدیلمر ، ذات رسالتپناه ایسه خیر و حق ایله مجبول ایدی .

طبايع احواله نظراً یتیم ، فقیر ، امی برذاتك مارالذکر اقوام آرهنده بولنوبده كرك طبايع خيئه لرندن و كركسه مذاهب موهومه لرندن اجتناب ایدرك محیطه یانچی بر صورتده حسن اخلاق و توحید باری ایله اشتغال و اوکی وحشیلری طریق حق و حقیقه سلوك ایتدیرمك بر خارقۀ طبیعت اولدیغنی کیم انکار ایدم بیلور ؟

ذات محمدی صلی الله علیه وسلم ابتدای بعثته قدر عصرنده کی ملنلرك معارفندن و اتم سالفه نك شرایعندن و اوزمانده کی ممالكك قوانینندن هیچ برشی ، هیچ برکسه دن تعلم ایتدیکی حالده عمر سعادتلی قرقه بالغ اولدیغنده بردن بره زمانك عاداته ، اخلاق مملکته مخالف اولان دین اسلامی طرف اقدس الهیدن تبلیغ و نشر ایله مأمور و مرسل اولمشدر . ذات محمدیلری او آنه قدر علوم و معارفدن او کره نهجك بر زمان محیطندن بشقه بریره چیقمامش ایدی .

انصار و یاران، ثروت و سامانی غایت آزایدی . اجداد عظامندن هیچ بریسنك حکمدارانی و سلطنتی سبق ایتمامشدی . بونکله برابر کمال هنرم و متانتله ادعای نبوت

ورسالت ایدیشی عرب و عجمک کافهسی حیرتلرده براقدی . ایلک اوکجه نوع بشری درلو درلو خرافاتدن قورتاراق جناب حقک برلکنی و آنک امرلرنی تبلیغه مأمورایدلدیکی و بوشرع الهینک سعادت دارینی کافل وزمان حاضرینه مناسب و انقطاع عالمه قدر کافی اولدیغنی و شرائع سابقه نك نسخ ایدلدیکنی سويلشدی .

انسانلری آباء واجدادلرندن توارث ایتدکری اخلاق قبیحه و مضرودن تحذیر ایله احجار، نیراز، اشجار و اوئانه تعبددن منع ایدرک هر درلو شوائب و عیوبدن منزّه صفت کمال ایله متصف اولان جناب حقک توحید و عبادته دعوت ایتدی .

دین مینک احتوا ایتدیکی خیری جالب ، شری دافع بتون بشریته عائد منافی احسان ایتدیکی ایچون جناب حقّه تصورتله تشکر ایفا اولنه جغنی انسانلره تعلیم ایتدی . ذات محمدینک بویوک دعوی نبوتی و خیرخواهغنی قومنک عالی و ادانیسی ، اعیان و اشراقی ایشندر ایشتمز هر بری آرو آرو دعوائی قبول ایتیه رک رسول اعظمه درلودرلو عداوتلر بسلمکه باشلادیلر . احباب و یاران ، اقربا و علقائی ، کنجی اختیاری کندیسینی ترک ایتدی . دعوی نبوتی تصدیق ایتک ایچون برهانلر استمکه قیام ایتدیلر . رسول اکرمی تعجیز ایتک قصدیه مطالب کثیرده بولندیلر . رسول اکرم ایسه هر برینک مطلوبی اسعاف، دلائل و براهین ایله ایضاح ایدر ایدی .

معترضلر قوم عربک اک فصیحی ، اک شاعری ، اک بلیغی اولدقلری حالده رسول اکرم رسالتی بیان ایچون قرآن عظیم الشانک اک کوچوک بر سورمه سنه نظیره سويلمکی آنلره تکلیف ایتدیکنده عاجز قالورلرایدی . برچوق محاوره و مجادله دن صوکره قرآن عظیم الشانه نظیره دکل ؛ نوع بنی بشرک قدرتی داخلده اولمادیغنی اعتراف ایتدیلر . برچوقلری دین محمدی نی قبول ایدرک رسول اکرمه انضمام ایتدیلر .

معترضلردن ، معاندین دن بعضیلری فصحا و بلغانک اظهار عجزله اعتراف ایدیشلرینی و بو سببله اسکی عادت و دینلرینی ترک ایدرک دین اسلامه کیرملرینی کوردکلرندن اگر دین محمدی حق اولمسه یدی اونلر عاجز اولماز واسکی دینلرینی ترک ایتزلرایدی . دیهرک بالعموم شرف اسلام ایله مشرف اولدیلر .

دیگر بر قسم معارضین عالم طبیعتک قانونلرینی و حوادث کونییه نی تغیر و تبدیل ایتک

قدرت بشرده اوله ميه جغنى تفكر ايدرك رسول اكرم دن خارق العاده معجزات طلب ايديلر .
برجوق معجزات خارقه ايله رسول اكرم كنديلرني اقناع ايتمش ايسه ده بعضيلر ايمان
وبعضيلر يده كفر وضالانده اصرار ايتديلر . حالوكه طقيانده اصرار ايدنلر ذره قدر
عقله وفكره مالك اولسيدلر اساساً كنديلرنجه معلوم ومسلم اولان احوال خصوصيه
پيغمبري وصفات رسالتناهي بي نظر دفته آلورلر ووقى فوت ايتمه رك طريق حقه سلوك
ايدم جكلر ايدى .

ذات پيغمبرينك ديني ودنيوي ايشلرده هيچ يلان سويلديكي واقع اولمامشدر .
واقع اولسيدى نشر واطهارانده اعداى محمدى همان سعى وغيرت ايدرلرايدى .
نبوتدن اول وصوره نرفت ايتديريجي افعال قيصه ده ذات سامى محمددين صدور
ايتمامشدى . اول و آخر اك بيوك معركه لرده بيله دشمنلرندن هيچ بريسندن قاجاماش
ومقابله اعدايه كال جسارت ومكانتله قوشمشدى .

امت مرحومه سنه شفقت ومرحمى پك زياده ايدى . كرم وسخاده اك يو كسك درجه بي
حائز ايدى . قلب پاك محمدده ثروت دنيوي نك هيچ اعتبارى يوق ايدى . آلتحق كلمه اللهك
اعلاسه وبشريتك رفاه وسعادته جاليشيردى . غايت فصيح وبلغ ايدى .

عمر سعادتى بدايتدن نهايته قدر اعتدال حال وحسن مسلكده بردوام ايدى .
حضرت خديجه ايله تزوجندن صوكرم برازوسعت معيشته نائل اولديسه ده طمع وحرصدن
مبرا ايدى . دائماً فقرا ومساكين ايله محبت وانلرى انفاق واعاشه والتفات ومتواضع
برحاله ملاطفه ايدردي . بو اوصاف جليله واخلاق حميده ذات نبويسندن غيرى هيچ
كسه ده نهايت درجه كلاله وقوعبولمامشدر . والى قيام الساعده واقع اوليه جقدر .

بو اوصافك ذات پيغمبريده اجتماعى نبوتك اك بيوك بر دليل قطعى اولديغنى كيم انكار
ايدم بيلور ؟ فخر عالم افندمك بوكاضيمه قيله سى اهل علم دكلر ايدى ، او عصرده مستقط
رأس اولان مملكتده علما وحكمما يوق ايدى . وهيچ بر كيمسه او طرفلره واصل اوله مازدى .
مملكيت اهالي سى بوتون جهل وطغيان ايچنده ايديلر ، كندولريده پك جزئى بر مدت ايچنده
ايكي دفعه شامه سفر ايتديلر سه ده آرزومانده ينه مملكتلر ينه عودت بيورديلر . بويله
ير مملكتده بويله بر قيله ده امى اوله رق كلاله بارع ، فحول رجاله فائق ، هيچ بر علم ايله

ممارسه و هیچ بر عالم ایله اختلاط ایتیمان و آنجق بر موهبه الهیه اوله رق بتون علوم و فنونی جامع وذات الوهیتک صفاتنه، اسما و افعالنه مطلع اوله رق تبلیغه مأمور اولان حضرت فخر کائنات اقدیمزک عقل و ذکاسنه علم و معرفته بتون عقلا واذکیا حیران و مبهور اولمشلردر. لسان حضرت پیغمبریه تبلیغ اولونان قرآن عظیم الشانک بلاغت و فصاحتندن، احکام باهره سندن، قصص اولینی و اخبار متقدمینی جامع اولمسندن هیچ بر کیمسه نک اعتراضه هدف اولیه رق اقطار جهانک هر گوشه سنده کونش کی پارلامسی الک بیوک بر معجزه در.

عقل سلیم و طبع مستقیم صاحبی اولانلر مسرودات آنفه نک آنجق تعلیم الهی و توفیق ربانی ایله حاصل اولدیغه قناعت کتیر لر. رسول اکرم دعوی نبوتی اظهاردن اول نبوت امورندن هیچ بحث ایتماش و مشغول اولماش ایدی. اگر اولسه ایدی معارضلری همه حال محمد، مدت عمرینی نبوت افکاریه و جمع قرآن ایله اوتدنبرو کچیرمش واقفای عمر ایتمشدر. دیه تفوهاتده بولنورلردی. لکن ذات پیغمبری اکسزین دعوی نبوته قیام ایله معارضه سندن اولین و آخرینی عاجز براقان قرآن حکیمی ایتیان و تلاوت ایتدیکندن نبوتی طرف الوهیتدن وحی طریقیله ثابت اولدیغه صراحة عقل شاهددر.

ذات رسالتناهی ادای رسالتده و اظهار نبوتده صوکه درجه متاعب و مشاق چکدیککی حالده منهج حق قویمدن آیرلیه رق هیچ بر اثر فتور، صبر و تحمیلندن هیچ بر قصور و قوعبولیوب اعلای کلمه الله امرنده ثبات ایتشدی.

اظهار نبوت ایتدکدنصکره شوکت و قوتی تزیید ایدرک اوامر جلیله سی اقوام و ارواحه نفوذ ایتدیککی حالده طبع سلیم پیغمبریه تبدل طاری اولماشدی. هر صاحب انصاف ذات پیغمبرینک بو حالندن آکلارکه رسول اکرم حاشا تزویر و مفسدت خریقه سالک دکل ایدی. زیرا ارباب تزویر دنیا به تملک ایچون کذبی تزویج و ابطال حقه سعی ایدر و نائل آمال اولدقندنصکره درلو درلو جبر و ظلمه، منفعت شخصییه اوغرند قتل و اعتسافه منهجک اولور. نفس بشرک احوالنه و بونی مؤید تاریخ و قایعنه جزئی اطلاعی اولنلرک مسلمیدر. بنابراین فخر عالمک ابتدای حیاتندن نهایته قدر طبع سلیم او زده دوامی ایروجه نبوته الک بیوک بر شاهد عادلدر.

ذات پیغمبری دائماً معارضلرینی محبت ایله الزام و دلیل ایله افحام ایلرایدی آنلری نصیحت

ورفق ملائمتله طریق حق و ثوابه ارشاد ایدرلردی . عادتاً بر دو قورک خسته سنه ایتدیکی
وصایا و یاخود بر بابانک اولادینه نصائحی کبی ابنای بشری تربیه و تمییه ایدردی .

حکمنده ، امر و نهینده ، عادل ، رؤف ، رحیم ، شفیق ، هر کسک مصلحتنی تسویه
ایتمک حریص ایدی . ابتدای دعوائی نبوتسنده هیچ بر قوت قاهره یه مالک اولمادیغی
حالده ضعفدن بوقوت ، عجزدن بوسطنت ، امیدکنده بو علم ، اقوام جاهلیه آراسنده بوارشاد
انجیق علم ورحمتی بوتون کائناتی استیعاب ایدن قادر مطلقک موهبه الهیه سی و عنایت عظماسی
اولدیغنی کیم انکار ایده بیلور ؟

شبهه سز بوفوق العاده اجرا آتک حکمتی شودرکه ؛ او امر حضرت پیغمبری او امر الهیه دن
اولدیغنه نظراً تفویض و اجراسنه حائل اولمق اورزه هیچ بر قوت تصور اولنه ماز .

جناب حقک دیله دیکی قوللری آراسندن بریسنک لسانیه فرماننی اصدار ، و بصورتله
نبوتی آفاق جهانیه ایصال و تصدیق ایتدیرر . مدرسه و مکتب کورمیدیکی حالده علمایه
علمی تعلیم ، امی اوله رق کاتبلره کتباتی تفهیم ایدن بر ذات معالی صفاتک نبوتنه بوندن
بیوک بر دلیل و یا بر برهان قاطع و ساطع تصور اولنورمی ؟

جاهللرک ، وهاملرک ، پت پرستلرک آرا لرنده نشئت ایتدیکی حالده عرفانی ارشاد ، حکما
و فلاسفه نک ذهاب باطللرینی دوزلتمک مسارعت ایتدی . خادم انسانیت اولان بو دین محمدی
عالمه تقریر ایدرک نوع بنی بشره طریق سعادت و سلامتی کوستردی .
اللهم امتنا علی شریعتیه ولا ترحزنا عن طریقته .

دار الحکمة الاسلامیه اعضاسندن

شریف سعدالدین

